

發表涌吐表裏和解二

医方集解

醫方集解

發表之劑

發者升之散之汗之也表者對裏而言也三陽爲表三陰爲裏而太陽爲表之表陽明爲表之裏少陽爲半表半裏也邪之傷人先中于表以漸而入于裏始自太陽以及陽明少陽乃入陰經由太陰少陰以及厥陰六經乃盡也治病者當及其在表而汗之散之使不至于傳經入裏則病易已矣若表邪未盡而遽下之則表邪乘虛入裏或誤補之則內邪壅閉不出變成壞證者多矣經曰善治者治皮毛其次治肌膚其次治筋脈其次治六腑其次治五臟治五臟者半死半生也

麻黃湯

寒傷營發表○仲景

治傷寒太陽證邪氣在表發熱頭痛身痛腰痛骨節痛項背

強惡寒惡風

但有一毫頭痛惡寒尙爲在表

無汗而喘脈浮而緊

寒邪外束陽不得越

故鬱而爲熱經曰人之傷寒則爲病熱寒初中人必先表
即足太陽寒水之經太陽爲諸陽主氣乃一身綱維本經之
脈起目眦上腦下項循肩挾脊抵腰行于身後故所過之處
無不痛也惡寒者雖無風而惡寒惡風者當風而始惡之故
惡寒必兼惡風惡寒有陰陽之分惡風惟屬陽經故三陰無
惡風之證風爲陽邪寒爲陰邪也原病式曰身熱惡寒熱在
表也熱在表而淺邪畏正故病熱而反惡寒或言爲寒在表
及熱在皮膚寒在骨髓者誤也凡人之傷風暑溼皆有汗惟
傷寒獨不汗出寒能滯血又表實也氣上逆故喘邪在表故
脈浮傷寒脈緊而傷風脈緩者寒勁急而風緩散也喻嘉言
曰冬傷寒春傷溫夏秋傷暑傷溼此四時正病也然夏秋亦
有傷寒冬春亦有傷暑傷溼乃四時之客病所謂異氣也冬
春正病有汗爲傷風無汗爲傷寒即夏秋亦治太陽陽明合病
秋正病有汗爲傷暑溼無汗仍爲傷寒亦治太陽陽明合病
喘而胸滿表邪壅盛陽氣不得宣發故逆而作喘若心下滿
腹痛爲實宜下之此胸中滿胸中去表猶近非裏
實雖有陽明然與太陽合病尙爲在表宜汗不宜下經云陽
明病脈浮無汗而喘者發汗則愈宜麻黃湯又曰陽明病應
發汗反下之此爲大逆或問兩經合病當用兩經之藥何以
偏用麻黃湯耶蓋邪自太陽而來仍當提出太陽不欲其陷

入陽明故不用葛根也亦治哮喘證哮喘由風寒客于背俞復感于寒而

黃而不作汗

麻黃去節桂枝二兩杏仁七十枚甘草一兩先煮麻黃數沸

去沫內諸藥煎熱服覆取微汗中病即止不必盡劑無汗再

服凡用麻黃去節醋湯略泡曬乾備用庶免太發冬月生用傷寒初感始干太陽故以發汗為先汗出則愈活人云凡

發汗病證仍在者三日內可二三汗之令腰以下周徧為度

王海藏云表證當汗脈浮急汗之脈沉緩汗之裏證當下脈

浮緩下之脈沉急下之三陽汗當急而下當緩三陰汗當緩

而下當急按汗有大汗解表微汗解肌之殊下有急下少與

微和滲

利之別

此足太陽藥也麻黃中空辛溫氣薄肺家專藥而走太陽能

開腠散寒皮腠肺之所主寒從此入仍從此出桂枝辛溫能引營分之邪達之

麻黃易發表之劑

肌表

桂入營血能解肌
營衛和始能作汗

杏仁苦甘散寒而降氣甘草甘平發

散而和中經曰寒淫于內治以甘熱佐以苦辛是已

喻嘉言曰麻黃

發汗其力最猛故以桂枝監之甘草和之用杏仁潤下以止喘逆正如馭馬防其放逸耳李上材曰古云冬不用麻黃夏不用桂枝蓋以冬主閉藏不應疎泄夏令炎熱不宜辛溫經所謂必先歲氣毋伐天和是也又云夏月不用麻黃兩說相反何耶或舍時從證或舍證從時臨時變通存乎其人耳李時珍曰仲景治傷寒無汗用麻黃有汗用桂枝未有究其精微者津液為汗汗即血也在營則為血在衛則為汗寒傷營營血內濇不能外通于衛衛氣閉固津液不行故無汗發熱而惡寒風傷衛衛氣外泄不能內護于營營氣虛弱津液不固故有汗發熱而惡風然風寒皆由皮毛而入皮毛肺之合也證雖屬太陽然面赤拂鬱欬嗽有痰喘而胸滿非肺病乎蓋皮毛外閉則邪熱內攻故用麻黃甘草同桂枝引出營分之邪達之肌表佐以杏仁泄肺而利氣汗後無大熱而喘者加石膏活人書夏至後加石膏知母是皆泄肺火之藥是麻黃湯雖太陽發汗重劑實散肺經火鬱之藥腠理不密則津液外泄而肺氣虛虛則補其母故用桂枝同甘草外散風邪

以救表內伐肝木以防脾佐以芍藥瀉木而固脾使以薑棗
行脾之津液而和營衛下後微喘者加厚朴杏仁以利肺氣
也汗後脈沉遲者加人參以益肺氣也活人書加黃芩爲陽
旦湯以泄肺熱也是桂枝湯雖太陽解肌輕劑實爲理脾救
肺之藥也○先正云桂麻湯皆肺藥○王履曰傷寒卽病者
謂之傷寒不卽病者謂之溫暑其原不殊故一稱爲傷寒其
類則殊施治不得相混仲景之書專爲卽病之傷寒設不兼
爲不卽病之溫暑設也今人或以傷寒法治溫暑不過借用
耳三陰傷寒寒證十居七八若溫暑但一下熱耳後人誤爲
通治遂疑諸熱劑不敢用是未悟仲景立麻黃桂枝湯之有
所主有其時矣苟知非治溫暑之劑則羣疑冰釋矣又曰傷
寒卽發于冬寒之時寒邪在表開其腠理非辛溫不能散之
此麻黃桂枝等劑所以必用也溫病熱病發于暄熱之時鬱
熱自內達外無寒在表故非辛涼苦寒苦酸之劑不能解之
此桂枝麻黃等所以不可用而後人所處冰解散大黃湯干
金湯防風通聖之類兼治內外者之所以可用也未卽病之
傷寒有惡風惡寒之證者風寒在表表氣受傷也後發之溫
熱病有惡風惡寒之證者必重感風寒而表氣亦受傷也若
無新中之風寒則無惡風惡寒之證故仲景曰太陽病發熱
而渴不惡寒者爲溫病溫病如此則知熱病亦如此而不渴

惡寒者非溫熱病矣。或有不因新中風寒，亦見惡風惡寒之證者。蓋因表虛熱達于表，而傷表氣，所謂衛虛則惡風。營虛則惡寒耳。非傷風惡風傷寒惡寒也。溫病熱病亦有先見表證而後傳裏者。蓋鬱熱自內達外，外不得泄，還復入裏而成。可攻之證，非如傷寒從表而始也。每見世人治溫熱病，誤攻其裏，亦無大害。誤發其表，變不可言。此足明其熱之自內達外矣。間有誤攻致害者，乃春夏暴寒所中之疫證，邪純在表，未入于裏，不可與溫病熱病同論。夫秋冬傷寒，真傷寒也。春夏傷寒，寒疫也。與溫病熱病自是兩途。豈可同治？況傷寒直中陰經，與太陽雖傷不及鬱熱，即傳陰經爲寒證，而當溫者，又與溫病熱病不同。其可混治乎？不惡寒則病非外來，渴則熱自內達外。經曰：從春分後至秋分前，天有暴寒者，皆爲時行寒疫，亦屬外感。○一陽子曰：傷寒傳足不傳手，非窮理之言也。草窗劉子指足經所屬水土木水遇寒而涸，水土遇寒而坼，裂木遇寒而凋枯，故寒善傷之手經所屬金與火。金遇寒而愈堅，火體極熱寒不能襲，故寒不能傷。昧者奇之，將人身營衛經絡上下截斷，不相聯絡，失血氣周流瞬息間之旨矣。夫寒邪襲人，必先皮毛。灼熱鼻塞，息粗肺主皮毛，是手太陰肺辛金先受病矣。海藏有傷寒自皮毛入之語，先師有桂麻羌芎之設，雖太陽表之表之劑，然汀法舍皮毛何

白而解更衣停常結閉溏泄手陽明大腸庚金病矣先師有
硝黃朴實之用雖兼正陽三陰裏之裏之劑然下法舍大腸
何自而通劉子謂金遇寒而愈堅信乎陽氣拂鬱舌胎言妄
于少陰心丁火病矣先師有瀉心數法亢極動血上下煩蒸
手厥陰心胞火于少陽三焦火病矣治有三黃柴芩數條小
便癃秘手太陽小腸丙火病矣治有五苓導赤之例劉子謂
火熱寒不能傷信乎經又云人之傷寒則為病熱既云病熱
則無水冰土圻木枯之說而有金燬火亢之徵矣劉子何人
敢恃管見惑世誣人哉○何東號一陽子○機要云有厥陰
經下利不止脈沉而遲手足厥逆唾涕膿血此難治宜麻黃
湯小續命湯汗之此有表邪縮于內當表而愈張子和曰殭
泄以風為根風非瀉汗不出有病此者腹中雷鳴水穀不分
小便滯澀煎瀉藥溫藥不效灸中脘臍下數壯燥熱轉甚津
液枯竭延余視之脈浮大而長身表微熱用桂枝麻黃湯加
薑棗煎連進三大劑汗出終日至旦而愈次以胃風湯和其
臟腑食進而安經曰春傷于風夏必殭泄故可汗而愈按風
屬木脾屬土木剋土故泄也○附大黃湯大黃兩半芒硝大
腹皮木通甘草各一兩桂心七錢半桃仁廿一枚治陽毒傷
寒未解熱在內恍惚如狂破棺千金湯苦參一兩酒煮
取吐治天行熱毒垂死冰解散防風通聖散見表裏門

本方除桂枝加石膏名麻黃杏仁甘草石膏湯仲景治汗下後

不可更行桂枝湯汗出而喘無大熱者

或問發汗後不可更行桂枝湯桂枝既不可

可行麻黃可行耶無大熱石膏可行耶俞嘉言曰治傷寒先分營衛桂麻二湯斷無混用之理此證太陽之邪雖從汗解然肺中熱邪未盡所以熱雖少止喘仍不止故用麻黃發肺邪杏仁下肺氣甘草緩肺急石膏清肺熱即以治足太陽之藥通治手太陰經也倘誤行桂枝寧不壅塞肺氣而吐癰膿乎亦治溫瘧先熱後寒本方加

白朮名麻黃加水湯

金匱

治溼家身體煩痛宜發汗本方去桂

枝杏仁加附子名麻黃附子湯

金匱

治脈沉虛脹者為氣水屬

少陰發其汗即止本方除桂枝杏仁名甘草麻黃湯

金匱

治裏

水

一身面目黃腫脈沉小便不利

重覆取汗本方去桂用麻黃

不去

杏仁去

皮甘草生

用名三拗湯局方

治感冒風寒欬嗽鼻塞

麻黃留節發中有收杏仁

留尖取其發連皮取其滴
甘草生用補中有發也

忌汗諸證

仲景曰陽盛陰虛下之則死○脈浮緊者常身痛宜汗之

假令尺脈遲者不可發汗以營弱血少故也○咽燥喉乾者

不可發汗津液不足也○欬而小便不利若失小便者不可發

汗發汗則四肢厥冷肺腎虛冷也○淋人不可發汗發汗必

汗汗出必脹滿走津液而胃虛也○亡血家不可發汗發汗

便血亡耗津液反增客熱也○衄家不可發汗發汗

則陰陽俱虛針經曰奪血者無汗奪汗者無血王海藏曰仲

景言衄家不可發汗蓋為脈微也若浮緊者麻黃湯浮緩者

桂枝湯活人云脈微者黃芩芍藥湯犀角地黄湯○瘡家雖

傷寒身痛不可發汗發汗則瘡表虛熱聚故生瘡汗之則表

益虛熱愈甚而生風故變瘡○少陰病脈沉細數病為在裏

不可發汗○少陰病但厥無汗而強發之必動其血或從口

鼻或從目出是名下厥上竭難治○脈動數微弱者不可發

汗○脈沉遲為在裏反發其汗則津液越出大便難表虛裏

實必譫語○汗家重發汗必恍惚心亂汗者心之液心亡血

液故亂○腹中上下左

右有動氣者不可發汗

麻黃湯

發表之劑

傷寒傷風辨

傷寒鬱而後能發熱傷風即能發熱傷寒無汗傷風有汗傷寒無涕傷風有涕傷寒手足微厥

傷風手足背皆溫傷寒脈緊傷風脈緩

陰陽表裏辨

陽證之表發熱惡寒頭痛脊強便清不渴手足溫陰證之表無熱惡寒而慘息冷手足厥逆

陽證之裏唇焦舌燥煩渴飲水揚手擲足大便秘結小便赤澀爪甲紅活身輕易于轉側脈浮洪數陰證之裏不渴蹠臥

引衣自蓋唇紫舌卷大便滑泄小便清白爪甲青黑身重難于轉側脈沉細數惟腹痛與嘔陰陽裏證皆有之三陽經又

有陰陽表裏之分太陽以熱在皮膚頭痛項強在經為表麻黃湯桂枝湯九味羌活湯以口渴尿赤熱入膀胱在腑為裏

五苓散陽明以熱在肌肉目痛不眠在經為表葛根解肌湯以口渴背寒為熱漸入裏曰虎加參湯若自汗狂譫熱已入

胃腑為全入裏調胃承氣湯少陽以胸脇之間為半表半裏表多小柴胡湯裏多熱盛者黃芩湯以上皆發熱太陽惡寒

陽明自汗少陽多嘔皆三陽證也大抵陽證多得之風寒暑溼邪生于太陽也陰證多得之飲食起居七情邪生于少陰

也故曰傷寒內傷者十居八九也

桂枝湯

風傷衛解肌○仲景

治太陽中風陽浮而陰弱發熱頭痛自汗惡風惡寒鼻鳴乾

嘔

關前為陽衛亦陽陽以候衛關後為陰營亦陰陰以候營

陽脈浮者衛中風也陰脈弱者營氣弱也傷于風者頭先

受之故頭痛經曰陽浮者熱自發陰弱者汗自出風併于衛

營弱衛強故發熱自汗也衛虛則惡風營虛則惡寒自汗則

皮腠疎故惡風復惡寒也惡寒雖屬表亦有虛實之分無汗

惡寒為表實宜發汗汗出惡寒為表虛宜解肌鼻鳴乾嘔者

風壅氣逆故鼻有音而作嘔也喻嘉言曰風寒並舉義重惡

風惡風未有不惡寒者所以傷寒亦互云惡風後人謂傷寒

惡寒傷風及陽明病脈遲汗出多微惡寒者表未解也可發

汗脈遲汗多屬陽明證以微惡寒尚兼大

汗陽仍當從外解肌斷其入胃腑之路

桂枝

芍藥

生薑

三兩

甘草

二兩

大棗

十二枚

熱服須臾啜

稀熱粥以助藥力溫覆取微似汗不可令如水淋漓汗出病

方集

桂枝湯

發表之劑

差停後服一劑盡病證猶在者更作服

此足太陽藥也仲景以發汗為重解肌為輕中風不可大汗

汗過則反動營血雖有表邪只可解肌故以桂枝湯少和之

也經曰風淫所勝平以辛涼佐以苦甘以甘緩之以酸收之

桂枝辛甘發散為陽臣以芍藥之酸收佐以甘草之甘平不

令走泄陰氣也薑辛溫能散散寒止嘔棗甘溫能和此不專于發

散又以行脾之津液而和營衛者也麻黃湯專于發散故不

用薑棗而津液得通矣龐安時曰若無汗小便數或手足逆

自汗小便數者不可服自汗為陽虛反惡熱者慎不可用又

病表裏俱虛病不在表服此重汗竭其津液是虛虛也經曰

脈浮緊發熱汗不出者不可與脈緊為傷寒與之則表益實

而汗愈難出矣傷寒例曰桂枝下咽陽盛則斃承氣入胃陰

盛則亡。屈揚俊曰：風既傷衛，則衛氣疎，不能內護于營，而汗自出矣。汗者，血之液也。苟非用血藥以桂枝和營，散邪以芍藥護營，固裏則不但外邪不出，且入而爲裏患矣。然後知和營則外邪出，邪出則衛自密，更不必用固表之藥，而汗自止矣。仲景曰：病當自汗出者，此爲營氣和，營氣和者，外不諧以衛氣不共營氣和諧故耳。以營行脈中，衛行脈外，復發其汗，營衛和則愈。宜桂枝湯。王好古曰：或問桂枝止煩出汗，仲景治傷寒發汗數處，皆用桂枝湯。又曰：無汗不得用桂枝，汗多者，桂枝甘草湯。此又能閉汗也。二義相通否？曰：仲景云：太陽病發熱，汗出者，此爲營弱，衛強，陰虛，陽必奏之，故用桂枝，發其汗，此乃調其營氣，則衛氣自和，風邪無所容，遂自汗而解。非若麻黃能開腠理，發出其汗也。汗多用桂枝者，以之調和營衛，則邪從汗出，而汗自止，非桂枝能閉汗孔也。李東垣曰：仲景治表虛，製此湯，用桂枝爲君，桂枝辛熱，發散體輕助陽，芍藥甘草佐之，若腹中急痛，乃製小建中湯，以芍藥爲君，芍藥酸寒，主收補，中桂枝甘草佐之一，治表虛一，治裏虛。又曰：以桂枝易肉桂，治感寒腹痛之神藥。如中熱腹痛，去桂加黃芩。許叔微曰：仲景一百一十三方，桂枝獨冠其首，今人全不用，何也？曰：按仲景治傷寒，用麻黃桂枝而全不用羌活防風，是古人亦有所未備也。故潔古製羌活湯，黃耆湯，川芎湯。

海藏製神木散白木湯皆用羌活防風以代之黃耆川芎湯附補門神木白木湯見後

本方加白木川芎羌活防風飴糖名疏耶實表湯節治同氏陶

製此以白木為君以代桂枝湯喻嘉言曰坐令外感內傷混同論治矣昂按節菴之君白木亦倣潔古之黃耆湯海藏之白木湯而來又按節菴所著傷寒六書盡易仲景原方參合後賢治法以代桂枝麻黃葛根青龍等劑在後人誠為便用故世之嗜節菴者勝于仲景以節菴為捷徑以仲景為畏途節菴之書行而仲景之書晦如節菴者可謂潔古海藏輩之功臣而在長沙實為操莽也本集採節菴方論頗多然不能無遺議者以節菴之功罪不妨互見于世也本方去

芍藥生薑名桂枝甘草湯景治發汗過多又手冒心心下悸

欲得按者汗多則亡陽而耗血故心虛悸而又手自冒也桂枝益氣固表甘草補中助陽本方加附

子名桂枝加附子湯景治太陽病發汗遂瀉不止惡風小便

難四肢微急汗多亡陽無以衛外故惡風汗多則便自少兼膀胱無陽不能化氣故便難汗多則無液以養

筋兼有風入而增其勁故四肢微急與桂枝湯以和營衛加附子以助元陽

木方去芍藥加附子

名桂枝附子湯

仲景

治傷寒八九日風溼相搏身體痛煩不能

轉側不嘔不渴脈浮虛而澹

八九日再經之時邪多在裏而復身體痛煩者風溼相搏也煩

風也痛溼也不嘔不吐裏無邪也故知為風溼相搏脈浮風也澹溼也浮而澹知寒溼但在經與桂枝湯以解表風加附

子以散寒溼

本方加芍藥生薑各一兩人參三兩名桂枝新加湯

仲景治傷寒汗後身痛脈來沉遲

沉遲汗後血虛也正氣虛矣外邪豈能出乎與桂枝湯以

解未盡之邪加芍藥人參斂陰以益營血

本方減甘草一半加芍藥一倍名桂枝

加芍藥湯

仲景

治太陽誤下腹痛屬太陰證

表證未罷而誤下表邪乘虛而入裏

當作結胸則仍屬太陽經今不胸滿而腹滿是邪已入太陰經然但腹滿時痛尚非大實之痛故但用桂枝以安太陽倍

芍藥以和太陰

本方加大黃名桂枝加大黃湯

仲景

治表證誤下大實

桂枝湯

桂枝湯

發表之劑

痛者別見表裏門

本方去桂加茯苓白朮名桂枝去桂加茯苓白

朮湯

仲景

治服桂枝湯或下之仍頭項強痛發熱無汗心滿微

痛小便不利

表證未退復增滿痛便秘邪已內陷故去桂枝表藥不用而用芍藥甘草以除痛生薑以散滿

祛寒白朮茯苓以生津導水合薑棗以和胃安內即所以攘外也

本方加厚朴杏仁名桂枝

加厚朴杏仁湯

仲景

治太陽病下之微喘表未解也

桂枝湯以解表杏仁

以下逆氣

本方去芍藥生薑加茯苓名茯苓桂枝甘草大棗湯甘

瀾水煎

仲景

治汗後臍下悸欲作奔豚

汗後臍下悸者心虛而腎氣發動也腎積名奔

豚腎氣逆欲上凌心故用茯苓伐腎邪桂枝治奔豚甘草大棗助脾而平腎益土以制水甘瀾水者用瓢揚萬遍水性鹹而重揚之則甘而輕取其不助腎氣也

本方合麻黃湯名桂麻各半湯

仲景

治太

陽證如瘧狀熱多寒少

寒多為病進熱多為病退陽勝陰也

本方二分合麻黃